

Халқ таълими вазирининг  
2018 йил 25 марта  
51-сонли бўйруғига  
1 - илова

## **Умумий ўрта таълим муассасалари ўқувчиларининг босқичли назорат имтиҳонларини ўтказиш тартиби тўғрисида НИЗОМ**

Мазкур Низом Ўзбекистон Республикаси Вазирлар Маҳкамасининг 2017 йил 15 мартдаги 140-сон “Умумий ўрта таълим тўғрисидаги низомни тасдиқлаш ҳақида”ги қарорига мувофиқ, умумий ўрта таълим муассасалари ўқувчиларининг босқичли назорат имтиҳонларини ўтказиш тартибини белгилайди.

### **1-боб. Умумий қоидалар**

1. Ўзбекистон Республикасининг “Таълим тўғрисида”ги қонуни, Вазирлар Маҳкамасининг 2017 йил 15 мартдаги 140-сон “Умумий ўрта таълим тўғрисидаги низомни тасдиқлаш ҳақида”ги қарорига мувофиқ, умумий ўрта таълимнинг давлат таълим стандартлари доирасида ишлаб чиқилган ўкув режа бўйича муайян босқич учун белгиланган фанларни ўзлаштириб, босқичли назорат имтиҳонларини муваффақиятли топширган ўқувчилар кейинги (юкори) синфга ўтказилади.

2. Ўқувчиларнинг барча фанлардан йиллик баҳолари уларнинг чораклик баҳолари асосида ўкув машғулотлари тугашидан камида уч кун олдин чиқарилади.

3. Босқичли назорат имтиҳонлари умумий ўрта таълим муассасаларининг 5-8 ва 10-синфларида ёзма ёки оғзаки имтиҳон ёхуд тест синовлари шаклида муайян фанларнинг амалдаги ўкув дастури асосида ўтказилади.

4. Умумтаълим дастурларини давлат таълим стандартлари доирасида ўзлаштирган ва барча ўкув фанларидан йил якуни бўйича ижобий баҳоланган ўқувчилар босқичли назорат имтиҳонига қўйилади.

Ўкув йили давомида ўкув машғулоти олиб борилган фанларнинг биттасидан “қониқарсиз” баҳоланган ўқувчилар мазкур фандан қўшимча топшириқларни бажариш шарти билан истисно тариқасида босқичли назорат имтиҳонига қўйилади.

5. Мазкур Низом талаблари халқ таълими тизимидағи умумий ўрта таълим муассасаларида шартнома асосида таҳсил олаётган чет эл фуқаролари ва фуқаролиги бўлмаган шахсларга нисбатан ҳам татбиқ этилади.

### **2-боб. Босқичли назорат имтиҳонини ўтказиш тартиби**

6. Умумий ўрта таълим муассасаларида босқичли назорат имтиҳонлари 26 майдан 1 июнгача бўлган муддат оралиғида ўтказилади.

7. Босқичли назорат имтиҳонлари ўтказиладиган фанларнинг рўйхати ва имтиҳон ўтказиш шакллари Ўзбекистон Республикаси халқ таълими вазирининг бўйруғи билан тасдиқланади.

8. Умумий ўрта таълим муассасаси директори томонидан босқичли назорат имтиҳонларини ўтказиш жадвали тасдиқланиб, имтиҳонлар бошланишидан камида ўн кун олдин умумий ўрта таълим муассасасининг барча учун кўринадиган жойига осиб қўйилади.

Босқичли назорат имтиҳонларини ўтказиш жадвалида имтиҳон ўтказиладиган фанлар, имтиҳонларнинг вақти ва жойи, имтиҳонни ўтказувчи босқичли назорат комиссияси аъзолари тўғрисидаги маълумотлар қайд этилади.

Ўқув фанлари бўйича ўтказиладиган ҳар бир босқичли назорат имтиҳонининг оралиқ муддати икки кундан кам бўлмаслиги лозим.

9. Босқичли назорат имтиҳони ўтказиладиган ҳар бир фан бўйича умумий ўрта таълим муассасаси директорининг буйруғи билан уч кишидан иборат босқичли назорат комиссияси (кейинги ўринларда комиссия деб юритилади) қўйидаги таркибда тасдиқланади:

комиссия раиси - умумий ўрта таълим муассасаси директори ёки унинг ўринбосари ёхуд ўқитувчиси;

имтиҳон оловчи - синфда мазкур фандан дарс берган ўқитувчи;  
ассистент - тегишли фан ёки турдош фан ўқитувчиси.

10. Босқичли назорат имтиҳонини ташкил этиш ва уни ўтказиш бўйича жавобгарлик мазкур фан бўйича тузилган комиссия раиси зиммасига юклатилади.

Босқичли назорат имтиҳони ўтказиладиган синфда дарс машғулотларини олиб борувчи ўқитувчи айнан шу фан бўйича комиссия раиси бўлиши тақиқланади.

Босқичли назорат имтиҳонларида умумий ўрта таълим муассасаси васийлик кенгashi аъзолари, фуқароларнинг ўзини ўзи бошқариш органлари ва ўқувчиларнинг ота-оналари ёки уларнинг ўрнини босувчи шахслар (кейинги ўринларда ота-оналар деб юритилади) кузатувчи сифатида қатнашишлари мумкин.

11. Умумий ўрта таълим муассасаси бўйича босқичли назорат имтиҳонларини ташкил этиш ва ўтказиш учун умумий ўрта таълим муассасаси директори масъул ҳисобланади.

12. Барча умумий ўрта таълим муассасаларида босқичли назорат имтиҳонлари эрталаб соат 8.00 да бошланади.

Босқичли назорат имтиҳони оғзаки шаклда ўтказилганда, битта синфдаги ўқувчилар сони 20 нафардан ортиқ бўлса, ўқувчилар икки гурухга тақсимланиши мумкин.

13. Ёзма ва оғзаки шаклдаги босқичли назорат имтиҳони жараёнида ўқувчиларга фойдаланиш учун умумий ўрта таълим муассасаси штампи қўйилган дафтар ёки вараклар берилади.

14. Босқичли назорат имтиҳони жараёнида ўқувчилар томонидан имтиҳонни муваффақиятли топширишга ёрдамчи воситалардан (харита, глобус, жадваллар, чизмалар, муляж, гербариј, препаратлар, лаборатория асбоб-ускуналари ва ҳоказо) фойдаланишга рухсат этилади.

15. Ёзма шаклдаги босқичли назорат имтиҳони жараёнида имтиҳон учун ажратилган вақт тамом бўлганидан сўнг, ўкувчиларнинг барча ёзма ишлари улар топшириқларни бажара олган ёки бажара олмаганликларидан қатъи назар йиғиб олинади.

16. Босқичли назорат имтиҳони тугаганидан сўнг ёзма ишлар комиссия раиси томонидан рақамланади. Ёзма ишлар комиссия аъзолари томонидан умумий ўрта таълим муассасасидан чиқмаган ҳолда текширилади ва баҳоланади. Иш куни тугагунга қадар баҳоланмаган ёзма ишлар кейинги иш кунигача сақлаш учун умумий ўрта таълим муассасаси директорига ёки унинг ўринbosарларидан бирига топширилади.

17. “Она тили ва адабиёт” фанидан ёзилган баён учун ўкувчига қуйидаги мезонлар бўйича иккита баҳо қўйилади:

она тилидан - саводхонлиги учун;  
адабиётдан - мавзунинг мазмуни учун.

Ушбу баҳолар босқичли назорат имтиҳони баҳоси сифатида қўйилади ҳамда ушбу фанлардан яқуний баҳо чиқаришда асос бўлади.

18. Ёзма ишларнинг баҳолари навбатдаги босқичли назорат имтиҳонига қадар, оғзаки шаклдаги имтиҳонларнинг баҳолари шу куннинг ўзида дарҳол эълон қилинади.

19. Ўкувчиларга “Она тили ва адабиёт” фанидан баён ёзиш ва математикадан ёзма иш учун 2 астрономик соат, тест синовлари топшириқлари берилиши назарда тутилган бўлса, уларни бажаришга ижтимоий-гуманитар фанлар бўйича ҳар бир тест саволи учун 2 дақиқа, аник фанлар бўйича ҳар бир тест саволи учун 3 дақиқа вақт ажратилади.

Ўкувчиларга оғзаки шаклдаги босқичли назорат имтиҳонида олган топшириқлари бўйича тайёрланиш учун 15-20 дақиқа вақт берилади.

20. Комиссия аъзолари ўкувчининг жавобларини диққат билан бўлмасдан тинглайдилар. Ўкувчига билетда қўйилган топшириқлар доирасида қўшимча саволлар бўлиши мумкин.

Билет саволига жавоб бера олмаган ўкувчига босқичли назорат комиссияси томонидан иккинчи маротаба билет олишга рухсат берилади. Ўкувчи олган иккинчи билетга ҳам жавоб бера олмаса, унга босқичли назоратнинг баҳоси сифатида “қониқарсиз” баҳо қўйилади, учинчи маротаба билет олишга рухсат берилмайди.

21. Ўкувчи босқичли назорат имтиҳонини топшириш жараёнида белгиланган тартибни бузган тақдирда, у босқичли назорат имтиҳонини давом эттириш хуқуқидан маҳрум қилинади. Ўкувчи босқичли назорат имтиҳонини давом эттириш хуқуқидан маҳрум қилинганда комиссия томонидан далолатнома тузилади ва бу ҳақида босқичли назорат баённомасига ёзиб қўйилади.

Умумий ўрта таълим муассасаси педагогик кенгашининг қарори асосида унга босқичли назорат имтиҳони тугаган кундан кейин икки ҳафта ўтгач, мазкур фандан босқичли назорат имтиҳонини қайта топширишга рухсат берилиши мумкин.

22. Ҳар бир фан бўйича оғзаки ёки ёзма шаклдаги босқичли назорат имтиҳонлари ўтказилга, комиссия аъзолари томонидан барча ўқувчиларга якуний баҳолар кўйилади. Бунда ўқувчининг йиллик ва босқичли назорат имтиҳони баҳосининг ўртачаси олиниб яхлитланади. Босқичли назорат имтиҳонида “қониқарсиз” баҳо олган ўқувчига “қониқарли” йиллик якуний баҳо кўйилмайди.

Ўқувчиларга кўйилган баҳолар комиссиянинг баённомасига киритилади ва баённома комиссия аъзолари томонидан имзоланади. Комиссиянинг баённомаси ассистент томонидан юритилади.

23. Ўқувчиларга ёзма ёки оғзаки шаклдаги босқичли назорат имтиҳони бўйича баҳо қўйиш масаласидаги баҳсли ҳолатлар комиссия аъзолари ўртасида овозга қўйиш асосида ҳал этилади.

Овозлар сони тенг бўлган ҳолларда комиссия раисининг овози ҳал қилувчи ҳисобланади. Комиссия аъзоларининг алоҳида фикрлари комиссия баённомасига киритилади.

24. Тиббий муассасаларда даволангандан ўқувчиларга йиллик якуний баҳо қўйиш ўқувчи даволангандан даволаш-профилактика муассасаси раҳбари томонидан имзолангандан имзоланади. Муҳр билан тасдиқланган синф журналидан кўчирилган баҳолаш қайдномаси асосида амалга оширилади.

25. Босқичли назорат имтиҳонида олган баҳосидан эътирози бўлган ўқувчилар босқичли назорат имтиҳони баҳолари эълон қилинган кундан эътиборан уч кун муддатда апелляция комиссиясига мурожаат қилиш хуқуқига эга.

26. Чет элда таълим олган ўқувчиларни босқичли назорат имтиҳонига қўйиш масаласи туман (шаҳар) ҳалқ таълими бўлимлари томонидан кўриб чиқилади.

27. Ўтказилган босқичли назорат имтиҳонларида бир ёки иккита фандан “қониқарсиз” баҳо олган ўқувчиларга охирги босқичли назорат имтиҳонидан кейин бир ҳафта ўтгач, “қониқарсиз” баҳо олган фанидан босқичли назорат имтиҳонини қайта топшириш хуқуки берилади.

28. Йиллик баҳо ва босқичли назорат имтиҳони натижаларига кўра, уч ва ундан ортиқ фанлардан ҳамда босқичли назорат имтиҳонларини қайта топшириш даврида камида битта фандан “қониқарсиз” баҳо олган ўқувчилар шу синфда қайта ўқишига қолдирилади.

### **3-боб. Ўқувчиларни босқичли назорат имтиҳонидан озод этиш**

29. Фанларни ижобий ўзлаштираётган 4-8 ва 10-синф ўқувчилари умумий ўрта таълим муассасаси директорининг буйруғи билан босқичли назорат имтиҳонидан қуидаги ҳолатларда озод этиладилар:

Ўзбекистон Республикаси Ҳалқ таълими вазирлиги ва Соғлиқни сақлаш вазирлигининг 2015 йил 26 январдаги З-мҳ ва 22-сон қарори (рўйхат рақами 2656, 2015 йил 17 февраль) билан тасдиқланган Ўқувчиларга синфдан синфга кўчириш имтиҳонлари ва якуний давлат аттестациясидан озод бўлиш хуқуқини берувчи касалликлар рўйхатига асосан;

халқаро ва республика олимпиадалари, танловлари, мусобақалари ҳамда бошқа күрик-танловлардаги иштироки босқичли назорат имтиҳонлари муддатларига тұғри келиб қолған тақдирда, шу кунлардаги босқичли назорат имтиҳонидан;

ўқув йили давомида факат “аъло” баҳоларга ўқиган ва намунали хулқа әга бўлган ўқувчилар.

Босқичли назорат имтиҳонидан озод этилган ўқувчиларнинг якуний баҳоси чораклик баҳоларининг ўртачаси асосида чиқарилади.

30. Йиллик ижобий баҳоларга әга бўлган ўқувчиларни соғлиги туфайли босқичли назорат имтиҳонидан озод этиш умумий ўрта таълим муассасаси жойлашган худуддаги ёки яшаш жойидаги тиббиёт муассасаси тиббий-назорат комиссиясининг тиббий хulosаси асосида қабул қилинган умумий ўрта таълим муассасаси директорининг буйруғига мувофиқ амалга оширилади.

31. Ота-онасининг ўқиши, ишлаш, узок муддатли даволаниш ёки бошқа мақсадларда вақтинча яшаш учун хорижий давлатга кетаётганлиги сабабли ўқувчиларнинг яшаш жойи ўзгариши муносабати билан ушбу ҳолатни тасдиқловчи хужжатлар асосида умумий ўрта таълим муассасаси директорининг буйруғи билан бундай ўқувчиларга босқичли назорат имтиҳонини муддатидан олдин топширишга рухсат берилади.

Босқичли назорат имтиҳонларини 1 апрель санасидан олдин топширишга рухсат берилмайди.

Муддатидан олдин босқичли назорат имтиҳони умумий ўрта таълим муассасаси директорининг буйруғи билан тасдиқланган босқичли назорат комиссияси ва босқичли назорат имтиҳонларини муддатидан олдин топшириш жадвали асосида ўтказилади.

32. Босқичли назорат имтиҳонлари даврида касал бўлган ва босқичли назорат имтиҳонлари жараёни тугашигача тузалиб келган ўқувчилар қолдирилган фанлардан имтиҳонларни умумий ўрта таълим муассасаси директорининг буйруғига кўра босқичли назорат имтиҳонлари тугаганидан сўнг икки ҳафта ўтгач ёки босқичли назорат имтиҳонини қайта топшириш даврида (август ойида) топширишлари мумкин.

#### **4-боб. Босқичли назорат имтиҳонини қайта топшириш ва кеининг синфга ўтказиш**

33. Ўқувчи ўзлаштира олмаган фан бўйича унга ёзги ўқув топшириклари берилади.

Ёзги ўқув топшириклари барча синфларда фанлар бўйича амалдаги ўқув дастури асосида ушбу фан ўқитувчиси томонидан тузилади ҳамда умумий ўрта таълим муассасаси директори томонидан тасдиқланади.

34. Ёзги ўқув топширикларини олган ўқувчиларга амалий ёрдам бериш мақсадида якка тарзда ёки гуруҳ машғулотлари ташкил этилади. Бундай машғулотлар жадвали умумий ўрта таълим муассасаси директори томонидан тасдиқланади. Бунда фан ўқитувчиларининг меҳнат таътилида бўлмаган

вақтлари инобатга олинади ва ўқувчилар бу машғулотларга бепул жалб этилади.

35. Ёзги ўқув топшириклари ҳамда босқичли назорат имтиҳонини қайта топшириш жадвали ўқувчилар ёзги таътилга чиқишлидан камидан уч кун олдин синф раҳбари томонидан ўқувчилар ва уларнинг ота-оналарига ёзма равишда маълум қилинади.

36. Ёзги ўқув топширикларини олган ўқувчиларга август ойида ўқув йили бошлангунга қадар босқичли назорат имтиҳони қайтадан ўтказилади. Босқичли назорат имтиҳонини қайтадан ўтказишида имтиҳон олинадиган фан ва имтиҳон топшириш шакли ўзгаришсиз қолдирилади.

Ўқувчи қайта топширган фандан ижобий баҳоланганда умумий ўрта таълим муассасаси педагогик кенгаши қарори билан кейинги синфга ўтказилади.

37. Ўқувчи босқичли назорат имтиҳонини қайта топшириш жараёнида ҳам “қониқарсиз” баҳо олган такдирда, умумий ўрта таълим муассасаси педагогик кенгашининг қарори билан синфда қайта ўқиш учун қолдирилади.

38. 1-синф ўқувчилари фақат психология-педагогик комиссиянинг хулосаси асосида умумий ўрта таълим муассасаси педагогик кенгашининг қарори билан синфда қолдирилиши мумкин, бошқа ҳолларда 1-синф ўқувчиларини синфда қолдиришга йўл қўйилмайди.

39. Ўқувчининг қайтадан ўқиш учун синфда қолдирилганлиги ҳақидаги умумий ўрта таълим муассасаси педагогик кенгашининг қарори уч кун муддатда ўқувчига ва унинг ота-онасига ёзма равишда маълум қилинади.

## **5-боб. Апелляция комиссияси**

40. Босқичли назорат имтиҳонида олган баҳосига эътиroz билдириган ўқувчиларнинг мурожаатларини кўриб чиқиш учун туман (шаҳар) халқ таълими бўлимларида апелляция комиссиялари тузилади.

Комиссия томонидан текширилган ёзма иш билан танишиш муддати ва тартиби, апелляция комиссиясининг иш муддати ва тартиби, унинг таркиби ҳамда ваколатлари туман (шаҳар) халқ таълими бўлимни томонидан буйруқ билан расмийлаштирилади. Апелляция комиссияси таркиби ўқувчилар, уларнинг ота-оналари, ўқитувчилар ва умумий ўрта таълим муассасалари директорлари эътиборига босқичли назорат имтиҳонлари бошланишидан камидан икки ҳафта олдин етказилади.

## **6-боб. Якуний қоидалар**

41. Ўқувчиларнинг баҳолар табели синф раҳбари томонидан тўлдирилиб, у ва умумий ўрта таълим муассасаси директори томонидан имзоланади ҳамда умумий ўрта таълим муассасасининг мухри босилади.

42. Ўқув дастуридаги барча фанлардан “аъло” баҳоларга ўқиган ва намунали хулққа эга бўлган ўқувчилар “Мактоб ёрлиғи” билан тақдирланади.

43. Мазкур Низом талаблари бузилишида айбдор бўлган шахслар қонун хужжатларига мувофиқ жавобгар бўлади.

Халқ таълими вазирининг  
2018 йил 29 маюн даги  
51-сонли бўйруғига  
2 - илова

## Босқичли ва якуний назорат имтиҳонлари ўтказиладиган фанларнинг рўйхати ва имтиҳон ўтказиш шакллари

| Босқичли назорат   |                                    |
|--|------------------------------------|
| Фаннинг номи   | Имтиҳон ўтказиш шакли              |
| 5-синф   |                                    |
| Математика*  | ёзма                               |
| Ўзбек тили (рус тили)  | оғзаки                             |
| Адабиёт  | оғзаки                             |
| 6-синф   |                                    |
| Чет тили*  | оғзаки                             |
| Тарих  | оғзаки                             |
| Ботаника   | оғзаки                             |
| 7-синф   |                                    |
| Она тили ва адабиёт*   | ёзма (диктант)                     |
| Ўзбек тили (рус тили)  | оғзаки                             |
| Физика   | оғзаки                             |
| Информатика  | ёзма                               |
| 8-синф   |                                    |
| Чет тили*  | оғзаки                             |
| География  | оғзаки (харита билан ишлаш орқали) |
| Давлат ва ҳуқуқ асослари   | оғзаки                             |
| Биология   | оғзаки                             |
| 10-синф  |                                    |
| Тарих  | оғзаки (харита билан ишлаш орқали) |
| Информатика  | ёзма                               |
| Биология   | оғзаки                             |
| Якуний назорат   |                                    |
| 9-синф учун  |                                    |
| Она тили ва адабиёт**  | ёзма (баён)                        |
| Математика**   | ёзма                               |
| Физика*  | оғзаки (лаборатория ишлари билан)  |
| Тарих*   | оғзаки (харита билан ишлаш орқали) |
| Кимё*  | ёзма                               |
| Ўзбек тили* (таълим ўзбек тилида олиб борилмайдиган умумий ўрта таълим муассасаларида) | оғзаки                             |
| Чет тили*  | оғзаки                             |
| Жисмоний тарбия**  | назарий ва амалий                  |

Изоҳ: босқичли назорат иккита ўқув фанидан ўтказилади.

“\*\*” мазкур фандан имтиҳон мажбурийдир, иккинчи фан эса ўқувчиларнинг кўпчилик овози билан босқичли назорат ўтказилишидан бир ой олдин танланади. Бу ҳақда ҳар бир синф учун танланган ўқув фанидан босқичли назоратни ўтказиш ҳақида умумий ўрта таълим муассасаси педагогик кенгаши қарор қабул қиласди.

“\*\*” мазкур фанлардан якуний назорат имтиҳонлари қўйидаги муддатларда ўтказилади: жисмоний тарбия - 2-8 май; она тили ва адабиёт — 26 май; математика – 30 май.